

〔明〕異遠真人 著

跌損妙方

中國醫學大成績集

## 跌損妙方提要

明·異遠真人著。姓名里居不詳。首列治法總論。用藥歌。血頭行走穴道歌。左右論。藥中禁忌。穴名藥名方藥。計分七門。一、全身門。二、頭面門。三、身中門。四、脊背門。五、腿足門。六、金創門。七、通用門。各列損傷證候。並附治驗良方。用藥平穩。立法精詳。洵醫林中僅見之作。可補明清以來傷科書所未備。合救傷秘旨參互考訂。救傷一道。自屬能手矣。

## 自壽說

十年一壽。古無明文。近世多行之。亡於禮者之禮也。今年九月癸卯。余六十生辰。兒輩謀稱觴。戚友醵錢爲壽。余曰。稱觴。一身計也。醵錢。一家計也。於一國天下。何有焉。或曰。爾貧士也。老且病。侈言一國天下。何也。余曰。達而在上。建不朽之業。窮而在下。刊未有之書。其事異其功同也。跌打損傷。古無專書。偶傳一二秘方。僮父據之以漁利。突已夏。余受其害烈也。匍匐南行。得妙方一卷。便欲付梓。蹉跎未就。今年春。蒙霜露之疾。瘥後。檢舊稿。

畧爲編訂。穴名未諳。以滑氏歌明堂圖考之。藥名未稔。以李氏本草綱目正之。蔚然成一家言。真補天手也。有罹斯劫者。按方施治。僮父不得居奇。亦無所售其毒也。抑余重有感焉。余不折臂。必不獲見此書。他人見此書。必不肯付梓。安知非天之欲廣其傳。而假手於余也。此非余一家之書。乃一國天下之書也。余不能徧乞諸一國天下。第乞諸二三知己而已。二三知己。相與有成。是二三知己之力。而非余之力也。壽人壽世。將及於一國天下。視兒輩稱觴一室。藉此贖錢者。其輕重大小。何如。

也。戚友聞之。忻然笑曰。善哉。爾之自爲壽也。

道光丙申秋九月小康居士孫應科書於安宜之八寶亭

跌  
損  
妙  
方  
說

募刻跌損妙方啟

天下其有之書。可不作也。天下絕無之書。不作可乎。世間無益之書。可弗傳也。世間有益之書。弗傳可乎。自軒岐問答一堂。洞見癥結。長桑以降。著述日繁。青囊射後諸方。雖素不知醫者。皆可按圖而索。惟跌打損傷一門。書闕有間。豈前賢未之及與。抑視爲奇貨可居。而去其籍與。嘗有覆車墜馬。慘被天刑。斷肘絕脛。橫罹人禍。一時呼號望救。專門名家之流。應手取效。然但求善買。莫界良方。其或技本不精。徒知射利。一爲所誤。終身廢疾。

是可傷已。癸巳夏。余館范水之東鄉。乘劣蹇。折其左肱。醫者失治。百日後。甫離牀第。秋九月。勉至高郵。宿曉雲山房。晤江右黃君。木賈也。僑寓於邑之南二十五里神廟。少遇異人。授秘書一卷。療折傷甚驗。惜余延久。許以半瘳。疏方製藥。不受謝。余乞其書閱之。同一鼻也。梁與尖異。均是手也。左與右殊。兩眉尖也。穴分上下。一腰眼也。治別棍拳。脇損矣。新舊須知。目傷矣。陰陽必辨。腿斷與。膝眼。膝蓋之外。最重。弔筋。頭破與。出糞出汗之餘。轉宜紅水。爲氣囊。爲血囊。歸於小腹。爲脚跟。爲脚背。系在



湧泉。舌根照以燈火。耳背忌食雞魚。肩膀立鳳膊之名。調敷甚妙。咽喉錫將台之號。末藥通靈。其時則初起。這年宜識也。其處則全身半部當審也。其歲則四十以上。四十以下必問也。縷析條分。得未曾有。而且性皆平和。無迅厲之品。法多加減。寓活潑之機。洵濟世之金丹。渡人之寶筏也。余錄稿歸。依方調治。寢以奏功。甲午冬。赴江陰。乙未入秋闈。邗溝道上。于役不休。風燭餘年。黃君之賜。抑是書之力也。書昉於明嘉靖二年。署名異遠。真人亡所考。禮云知而不傳。是不仁也。余僭爲釐訂。付梓。

以廣其傳。而工費無出。於是乞諸同人。量力攸助。積少成多。與其急而求子。委命庸醫。何如鏤板流行。於人共濟。無量功德。莫此爲甚。豈汎汎災梨禍棗。可同日語哉。至移掇之法。若輩擅長。茲編不具載云。

道光丙申立秋日高郵孫應科謹啟

跌損妙方書後

彥之先生。癸巳夏。折左肱。南行求治。得跌損妙方一編。繇是小愈。今秋重加校訂。欲付梓而難其資。就商於余。余讀之。用藥平穩。立法精詳。洵醫林中。厯見之作。可補靈素以來所未備。程子云。一介之士。苟存心於利物。於人必有所濟。先生之謂與。爰助其刊資。並綴數言於後。

道光丙申九日同學愚弟胡 泉謹跋

彥之先生刻跌損妙方成。漫題長句一首。卽壽其六十生辰。

身是精金百鍊餘。年華六十再生初。籌添甲子週廻日。著到軒岐未有書。世上風波經解脫。剛經調金胸中塊壘酒消除。壽人自壽真無量。珍重青囊萬寶儲。

歲在闕逢活灘涂月佛日。姻愚弟劉寶楠拜撰。

# 跌損妙方

明異遠真人著

高郵孫應科彥之甫校刊

江右黃氏抄授

黃巖管頌聲齋堂甫重刻

## 治法總論

夫跌打損傷。氣血不流行。或人事昏沉。往來寒熱。或日輕夜重。變作多端。昧者不審原因。妄投猛劑。枉死多人。誠可惜也。治宜及早。半月後纔醫。瘀血已固。水道不通。難爲力矣。既表不可復表。要子細看明。隨輕重用藥。青腫轉紅色。血活將愈。若牙關緊閉。不能進藥。萬無生理。坐臥避風。忌一切生冷。牛肉縮筋。猪肉發病。亦不宜食。遇有重傷。解衣諦視徧身。血道形色若何。診脈調和與否。脈絕不至者。死。沉細者。生。山根好。陰囊有子。可治。腎子入小腹。無治。頂

門一破。骨陷難存。顛門被傷。髓出卽死。心胸緊痛。青色勝裏心。乃偏心受傷。可治。紅色勝裏心。乃心口受傷。不治。上心口青腫。一七卽死。傷小腹。而不及肚。可治。若陰陽不分。糞下不止。氣出不收。則肚傷矣。食管雖斷。在飽食之後。延二日不死者。可治。若鼻孔黑色。舌大神昏。則臟腑絕矣。耳後爲制命之處。脊骨無續斷之方。男子乳傷。猶非重症。婦人乳傷。却是危機。正腰受傷。笑者多凶。小腹受傷。孕婦最忌。以上姑述其大者。並列各方於左。

用藥歌

歸尾兼生地。栝榔赤芍宜。四味堪爲主。加減任遷移。乳香並沒藥。骨碎以補之。頭上加羌活。防風白芷隨。胸中加枳壳。枳實又雲皮。腕下用桔梗。菖蒲厚樸治。背上用烏藥。靈仙妙可施。兩手要續斷。

五加連桂枝。兩脇柴胡進。膽草紫荊醫。大茵與故紙。杜仲入腰支。  
小茵與木香。肚痛不須疑。大便若阻隔。大黃枳實推。小便如閉塞。  
車前木通提。假使實見腫。澤蘭效最奇。倘然傷一腿。牛膝木灰知。  
全身有丹方。飲酒貴滿卮。苧蔴燒存性。桃仁何粟纍。紅花少不得。  
血竭也難離。此方真是好。編成一首詩。庸流不肯傳。無乃心有私。

### 血頭行走穴道歌

周身之血有一頭。日夜行走不停留。遇時遇穴苦傷損。一七不治  
命要休。子時走往心窩穴。丑時須向泉井求。井口是寅山根外。辰  
到天心已鳳頭。午時却與中原會。左右蟾宮分在未。鳳尾屬申屈  
井酉。丹腎俱爲戌時位。六宮直等亥時來。不教亂縛斯爲貴。

### 左右論

凡受傷不知左右。若有吐血症。見血自明。血黑者。左受傷血鮮。者右受傷。若無血吐出。卽看眼球。亦可知其定所。烏珠包醜者。傷在左。白珠包醜。又加紅大者。傷在右。左屬肝。右屬肺。烏珠屬肝。白睛屬肺。瞳人屬腎。常見右邊受傷。發時左邊便痛。不可單治一邊。必左右兼治。其病始愈。

藥中禁忌

乳香沒藥二味。方中屢用。務要去油。若不去油。恐其再發。小兒骨一味。方中亦間用之。余謂小兒何辜。甫離母腹。骨化形銷。以人治人。殘忍殊甚。大造丸有紫河車。張景岳以爲戕厥子之先天。勸人少用。况兒骨乎。余輯諸方。見有用此者。悉行裁去。以猴骨代之。

穴名藥名



靈樞經脈篇。言穴名甚詳。徐氏滑氏。皆有歌訣。滑氏十四經發揮。圖與註益明。是編間取新奇。出靈素之外。未知何本。瀕湖李氏本草綱目一千六百餘種。脩矣。異名同物。一一註明。其有未收者。散見編內。仍依原本載入。俟考。

### 以下方藥計分七門

#### 全身門第一

父母全而生之。子全而歸之。可謂孝矣。身體毀傷。何全之有。然醫治得宜。不全者仍底於全。是亦不失爲孝也。輯全身門。

#### 上部湯藥方

當歸 川芎 赤芍 生地 羌活 獨活 丹皮 黃芩 桔  
梗 桂枝 澤蘭 桃仁 檳榔 生薑引。水煎。酒對服。

中部湯藥方

歸尾 赤芍 生地 羌活 丹皮 桃仁 紫荊皮 蘇木  
蘇梗 西香 大茴 小茴 杜仲 紅花有紅不用。兒茶 元  
胡 草烏少用水煎對酒服

下部湯藥方

歸尾 赤芍 生地 羌活 獨活 丹皮 桃仁 紫荊皮  
黃芩 西香 木香 木瓜 苡仁 骨碎補 防已 川茗  
牛膝 參三七 甜瓜皮 南星 水煎酒對服

全身跌打丹

當歸 川芎 白芍 陳皮 橘皮 茯苓 半夏 山藥 澤  
瀉 羌活 獨活 荆芥 防風 細辛 白芷 青皮 枳壳

山查 神麩 檳榔 大黃 黃栢 小茴 大茴 西香  
木香 射香 元胡 木瓜 甜瓜皮 乾薑 杜仲 續斷  
骨碎補 虎骨 猴骨 乳香 沒藥 參三七 甘草 自然  
銅 烏藥 川烏 草烏 血竭 地鱉虫 硃砂 琥珀 穿  
山甲 花粉 苡仁 車前子 木通 狗脊 菖蒲 南藤卽  
風藤亦名丁公藤 兒茶 秦艽 紅花 五爪龍卽烏蘇華俗名  
五葉藤 尋骨風 赤芍 以上各等分爲末。

全身跌打方

當歸 虎骨 猴骨 參三七 白芷 烏藥 山羊血 桃仁  
木香 母丁香 茜草以上一兩 乳香 沒藥以上八錢 赤芍  
血竭 牛膝 菖蒲 木通 五加皮 小茴 杞子 元參

五靈脂 南蛇 薄荷 尋骨風以上五錢川芎 澤瀉 肉桂 桂皮 藁本 鬱金 蔓荊子 射香以上三錢荆芥 羌活 升麻 枳壳 花粉 杜仲 木瓜 細辛 檳榔 桂枝 兒茶 厚樸 破故紙 山稜 自然銅 草烏以上二錢地鱉虫 四十九個共爲末。酒對服。南蛇卽蝮蛇生嶺南

全身酒藥方

當歸 木瓜 虎骨 杜仲 兔絲子 破故紙 杞子 牛膝 以上一兩乳香 沒藥以上八錢白芍 山藥 丹皮 麥冬 桂枝 知母 元胡 川芎 紫荊皮 丁香 威靈仙以上五錢甜瓜皮 陳皮 兒茶 獨活 參三七 烏藥以上三錢硃砂 西香各二錢地鱉虫五個血竭七個共爲末。放瓶內。入好酒

十觔。煮三炷香。窸七日。每服一杯。

### 佛手散

當歸 生地 川芎 白芍 荆芥 防風 鈎藤 大茴 木  
瓜 五加皮 白芷 紫荊皮 羌活 槓榔 杜仲 故紙  
五靈脂 威靈仙 乳香 沒藥 烏藥 自然銅 牛膝 南  
星 共爲散。用好酒一罈。絹袋盛浸三五日。隨量飲。不拘時。七日  
見功。

### 大寶紅藥方

琥珀 血竭 各四錢 金粉 一錢 硃砂 五錢 共爲末。每服八分。

### 五虎紅藥神仙丹

猴骨 兒胎 麩包 火煨 鹿胎 血竭 琥珀 各五錢 人參 一錢 白

然銅三錢共爲末。損傷十分。服此藥八分。神效。

回生再造飲 接骨藥也。如骨未斷勿輕服。

立銖錢五文。火煨七次。木香 自然銅各一錢。射香一分。共爲細末。每服一錢。無灰酒送下。先嚼丁香一粒。方進此藥。傷在上飯後服。傷在下飯前服。

返魂奪命丹 牙關緊閉。不省人事。撬開灌入。

銀絲草一兩。卽山楸葉。長白毛者佳。小雞一隻。過一月者。不去毛。二味共搗爛如泥。熱酒沖和。布濾過。調猴骨末二錢。服過。再用棧莪散一劑。

棧莪散

山棱 莪朮 赤芍 黃柏各一兩 大茴 元胡 檳榔 紫蘇

陳皮各八錢。青皮 羌活 腹皮各五錢。荆芥 桔梗 半夏  
黃連各二錢。芒硝 大黃 防風 柴胡各一錢。千里馬卽草  
鞋二口。薑三片。葱一根。童便水各半煎。空心熱服。隨症加減。若手  
足傷斷。徐徐推正。燈芯火紙捲合厚實。杉木皮緊札自愈。

回生續命丹 治筋骨斷折疼痛不止。

川烏 草烏 自然銅各二兩。地龍 烏藥 青皮 禹餘糧各  
四錢。醋淬共爲細末。每用二錢。

再生活血止痛散

大黃 紅花各五錢。當歸 柴胡各二錢。花粉 穿山甲各一錢。  
桃仁五十粒。甘草八分水。酒各半煎。空心熱服。

神效接骨膏方

當歸 白芷 草烏各三錢。生用爲末。酒調二錢。一覺麻痺正骨斷處。糯米粥。杜蠟粉。調塗患處。乳香 沒藥 當歸 白芍 川椒各五錢。自然銅二錢。共研細末。黃蠟二兩。鎔化。入前末。攪勻作丸。酒服數次。

接骨丹

自然銅五錢 當歸 川芎 羌活 獨活 虎骨 五靈脂 乳香 沒藥 杜仲 木瓜 茯苓 芡實 棗仁 杏仁 川烏 白蠟 苡仁 細辛 神麩 牙皂 烏藥 硃砂 西香木香 竈雞卽灶馬。俗名灶蜂。地骨皮 地鱉虫 甘草各三錢。紅蚯蚓 抱雞各三個。大皂 推車子各一錢。卽螞蟻共爲細末。每服一錢。酒下。



七將擒拏方

地鱉虫 銀硃 硃砂 銀粉 骨碎補 接骨虫 白蠟 各  
入分。共爲細末。

滋榮雙解散 治氣血虛。受風寒。

當歸 川芎 白芷 元胡索 沒藥 川烏 自然銅 石蓮  
肉

活血通經止痛散 治血衝心。氣緊急。

山稜 莪朮 黃栢 黃連 青皮 赤芍 紫蘇 香附 柴  
胡 乳香 紅花 蘇木 菖蒲 千里馬

吐血不止方

當歸 茯苓 芡實各一兩 肉桂 棗仁 白朮 白芍 澤瀉

陳皮 遠志 柴胡各一兩 山藥二兩 砂仁 熟附各五錢 共爲細末。酒服。

初起方

歸尾 川芎 白芍 香附 丁香 木香 紅花 蘇木 桂枝 白芷 甜瓜皮 桑白皮 牛膝 獨活 苡仁 青皮 棗肉 兔絲子 枸杞子 西香 血竭 甘草 各等分。童便引。水煎服。

乳香尋痛散 治遠年損傷。徧身疼痛

乳香 沒藥 木香 沉香 肉桂 草烏各五錢 花粉 木灰 羌活 獨活 小茴 甘草各七錢 當歸 川芎 白芷 血竭各一兩 共爲末。每服二錢。熱酒送下。

敷藥方

秦朮 川椒 葱葉各一兩 肉桂 雞心瓣五錢 生薑二錢 共研爛。沙糖調敷。立效。

洗藥方

半夏 川烏 草烏 乳香 沒藥 骨碎補各一兩 白芨 白芷 黃栢 七厘散 尋骨風 蛇退 千年健各五錢 陳石灰 用燒酒煎洗。

末藥方

狗脊 骨碎補 蘇木各一兩 千年健 過江龍 青木香 尋骨風 檳榔 紅花 山棱 莪朮 漆渣各五錢 枳壳八錢 烏藥二兩 參三七 花乳石各二錢 馬前子廿個 桃仁十四粒 共爲

末。脇下加柴胡。膽草。青皮。細辛。牙皂。桔梗。脚上加半夏。手上加桂枝。腰加杜仲。破故紙。未過四十者。加乳香。沒藥。骨碎。補烏藥。羌活。防風。檳榔。紅棗肉。上四十者。加熟地。白芍。茯苓。甘草。澤瀉。山藥。棗皮。遠志。黃芪。

當門吹鼻丹

麝香 冰片 金粉 銀粉 硃砂 明礬 牙皂 細辛 鎗硝 各三錢 金箔 銀箔 各二兩 金不換 葉一兩 共爲細末。每吹入分。此藥入鼻。如不轉氣。將紅藥與服。用手在眼角上一揉。片時自轉。金不換。卽參三七。

婦人跌損方

當歸 川芎 生地 白芍 益母草 紅花 杜仲 白朮

牛膝 羌活 獨活 黃芩 黃芪 香附 烏藥 茯苓 續斷 虎骨 南星 胡水沙 各等分。用酒煎服。

凡跌打骨斷。痛不可忍。急拾往來便溺牆下瓦片。洗淨。火煨。醋淬五七次。研極細末。酒服三錢。痛在上。飯後服。在下。空心服。此藥極能理損。續筋接骨。屢有神效。又方。將糞窖內多年瓦片。洗淨。醋煨九次。研細末。每末一兩。加五加皮。男子髮灰各五錢。醋調一歲一分。好酒送下。再用竹四片。竹青向內。夾定患處。勿動。若皮破者。勿用搽藥。又方。用母雞一隻。約重一觔。殺後。連毛骨剝爛如泥。再將雞血和入。再剝。敷患處。紬包緊。三日自愈。

凡閃挫時。卽于無風處。將紙擦觸鼻內。用力打歎。噫二三十。則氣升而痛止。再用胡桃肉搗爛。傾熱酒內。盡量一醉而愈。或急尋地

驚虫炙脆爲末。酒調服。

頭面門第二

頭居一身之上。五官位焉。若喪其元。豈不有覲。依方服之。還汝廬山真面。轉頭面門。

頭破腫痛發熱

歸尾 川芎 生地 赤芍 防風 白芷 蔓荊子 羌活 連翹 花粉各一錢五分 甘草一錢 如血出過多昏迷不醒倍加 芎歸水煎服。

頭破傷風腫大先服紅藥用雞肝飯上蒸熟酒調後服回生

肉桂 自然銅 當歸 白芷 防風 升麻 花粉 大苗 羌活 甘草 水煎酒對服。

百會穴傷 腦頂也

金沙 銀沙 自然銅 參三七 血竭各一錢 山羊血如無以地鱉重

玳瑁五分 虎骨 桔梗 人中白各一錢五分 燈心引水酒

對煎。又方 人參 地鱉虫 地龍 當歸 升麻 白芷

自然銅 水煎服

腦門受傷血瘀七孔雞湯洗淨。將馬蹄子調敷。後用八寶丹。

硃砂 瑪瑙 龍骨 象皮 鹿角膠 地鱉虫 白蠟 乳香

沒藥 若無血水。用人乳調敷。即愈。

顛門穴傷

天麻 白芷 藁本 羌活 木香 青皮 骨碎補 赤芍

紅花 川烏 甘草 共為末。葱引酒下五分。

太陽大陰穴傷 血竄兩目。暈死。先服七厘散。

猴骨 硃砂 參三七 琥珀 自然銅 血竭各二錢人中白

沉香 紅花 乳香 沒藥 羊血各一錢共爲末。好酒送服。

外用八寶丹點眼。

太陽三么穴

歸尾 桃仁 庄黃 杜仲 破故紙 青皮 羌活 獨活

肉桂 功勞 童子 千里馬 薑引。酒燉服。

太陰三星穴

三棱 莪朮 肉桂 參三七 蕪子 元胡 萊菔子 木香

茜草 乳香 沒藥 地鱉虫 甘草 不加引。水煎服。

開空穴傷兩耳也。



威靈仙 當歸 山藥 木通 虎茨各一錢五分 茯苓 脚樟  
各二錢 大腹皮 甘草各一錢 木香八分 童便引。酒燉服。

喬空穴傷耳後根也。

天麻 藁本 白芷 羌活 荆芥 麝香 血竭 紅花 甘  
草 其為末。酒下五分。

左眉尖穴

五加皮 桂枝 柴胡 龍胆草 羌活 陳皮 荆芥 薄荷  
甘草 其為末。酒下。

右眉尖穴

五加皮 桂枝 柴胡 龍胆草 細辛 五味 威靈仙 木香  
麝香 其為末。酒下。

眼角穴傷 眼梢也。

當歸 茯苓 川芎 茜草 地鱉虫 各五錢 川烏 三錢 青木香 二錢 肉桂 甘草 各一錢 參 三七 五分 共爲末。酒下三分。

眼角左右方

天麻 白芷 柴胡 桔梗 川芎 獨活 兒茶 各一錢 山稜 莖 尤 各二錢 甘草 五分 共爲末。酒下。

大中穴傷 鼻中也

香附 紅花 桂皮 蘇梗 澤蘭 半夏 升麻 白芷 陳皮 甘草 葱引酒燉服。

天平穴傷 大中穴之上。此穴斷不治。

硃砂 七分 砂仁 六分 石乳 枳壳 各一錢 童便引。酒對服。

駕梁穴傷鼻梁也。

當歸 生地 川芎 白芍 尋骨風 天麻 白芷 肉桂  
參三七 甘草 共爲末酒下葱引。

山根穴傷鼻梁之上

當歸 生地 川芎 細辛 白芷 茯苓 虎骨 陳皮 甘  
草 共爲末葱引酒下三分。

咽空穴傷鼻下也

血竭 茜草 桔梗 獨活 杜仲 白朮 紅花 栝葉 連  
翹 葱引水煎酒對服

人中穴傷

升麻 白芷 上力 自然銅 肉桂 地鱉虫 木香 冰片

葱引水煎。酒對服。上力疑卽血竭。

牙關穴傷唇口四穴

白芍 山藥 連蒿 神麩 麥冬 五味 檳榔 赤茯苓  
細辛 陳皮各三錢其爲末酒下。

牙背牙腮二穴分左右。在左邊。移撥向右。在右邊。移撥向左。  
鉄馬鞭 骨碎補 五加皮 劉寄奴 純麻 麻骨 活血丹  
牛膝 脚樟 白牙丹 澤蘭 金不換七枝生酒燉服。  
咽喉穴傷飲食不通。要開他關節。用五虎不西川方。

麝香二分馬兜鈴 青木香 半夏 山查 元參各一錢共爲  
末服之不納。用千金分氣散。  
半夏 桂枝 赤芍 羌活 桑皮 腹皮 陳皮各一錢茯苓

紅花 乳香 沒藥各一錢五分 木通 甘草 青皮 紫蘇  
各一錢 好酒燉服。如氣血不行再用後方。

麝香 木香 羌活 桃仁 茯苓 木通 生地 獨活 參  
三七 陳皮 甘草 藕節引酒燉服。

將台穴傷咽喉左右

當歸 川芎 防風 尋骨風 白朮 黃芪 質汗 甘草  
共爲末酒下。查益母草。名土質汗。

將台第二方

脚樟 稜麻 白菊 雲皮 肉桂 青皮 硃砂 木香 枳  
壳 香附 桔梗 川芎 甘草 共爲末。童便引酒下。

將台第三方

橘紅 雲皮 紅花 砂仁 香附各一錢五分 青皮 鬱金  
沉香 硃砂 甘草 肉桂各一錢 木香 八分 酒和童便引。未效。  
服沉香順氣散。

沉香 茯苓 紅花 參三七 熟地 紫草各二錢 赤芍 血  
竭 木香 硃砂 烏藥 木通 白芷 乳香 沒藥各一錢  
甘草三分 糯米一合 炒共爲細末。蜜丸梧子大。每服三錢。酒下。

舌咽穴傷服平胃散

蒼朮 陳皮 厚樸 甘草 五加皮 香附 砂仁 酒燉服。  
對口穴傷舌尖嚙出。飲食不進。言語不清。先擊封門穴。再服後方。  
肉桂 茯苓 白芷 雲皮各一錢 紅花 熟地各一錢五分 枳  
實 木香各八分 麝香二分 甘草五分 魁員肉五枚 引酒煎服後。

舌不收。再服蘿蔔湯即愈。

頭出腦漿不治。頭出冷汗不治。凡頭破鼻流紅水可治。流黃水不治。耳背有傷。黑色不治。紅青色可治。先服紅藥。後服全身丹。忘食雄雞魚蝦蛋。眼帶青色或黃色俱不治。

牙關骨打落。用雙手掇定。往下一舉。往上一端。先服紅藥。後服接骨丹即愈。舌根跌出者。彼頸窩用燈芯火二灸。如不應。再用一灸。再灸兩耳背。先服紅藥。後服全身丹。水酒送下。

食管斷。用桑白皮和絲密縫。將雞胥剖開。去食取膜。貼定。隨用藥護之。再用藥可愈。

### 身中門第三

項以下小腹以上。曰身中。兩臂繫於外。五臟處於內。烏可或傷

文王受命唯中身。或曰中身。終身也。兢兢業業尚保此以終身。輯身中門。

脇下受傷

傷在左四肢無力黃瘦吐血傷在右半身不遂氣行於七孔宜服後藥。

赤芍

茯苓

腹皮

青皮各一錢五分木通

柴胡

桂枝

紫蘇

陳皮

半夏

桑白皮

甘草各一錢羌活八分生薑引。

酒燉童便一小杯對服再服下方。

赤芍

茯苓

腹皮

橘紅

丹皮

陳皮

桂枝

秦艽

半

夏

柴胡

鱉甲

乳香

沒藥

紅花各一錢五分肉桂

木

香各六分桃仁七粒魁員肉引酒燉服。

兩脇骨斷

當歸

赤芍

生地

紅花

桃仁

五加皮

木香

桂枝



杜仲 破故紙 尋骨風 小茴各一兩 參三七 血竭 肉桂  
牛膝各一錢 虎骨 乳香 沒藥 柴胡 桔梗 骨碎補各  
五錢 自然銅 山稜 川烏 甘草各八分 地鱉虫 五個 左加柴  
胡。右加桔梗。百合好酒對服。

右脇方

續斷 秦艽 細辛 烏藥 陳皮 威靈仙 枳壳 生地  
赤芍 川芎 槐花 乳香 陳稻草灰。紅棗四枚引。  
右脇久損 虛者先服此方。

當歸 熟地 山藥 澤瀉 蘓葉 沙參 棗皮 丹皮  
又方

當歸 桔梗 百合各二錢 桑皮 牛膝 乾薑各一錢 骨碎補

澤瀉 廣皮 乳香 葶藶子 薄荷 元胡 菖蒲各八分枳  
壳 沉香 參三七 川貝各六分吐血者服二劑後加蒲黃一  
錢三分茜草一錢。枳壳澤瀉不可多用。

左脇方

柴胡 白芍 青皮 當歸 生地 澤瀉 烏藥 紅硝 骨  
碎補 山查 三稜 木通 乳香 沒藥 共爲末。酒調服。

左脇火損

當歸 白芍 熟地各二錢 澤瀉 澤蘭 酥餅 棗皮各一錢  
五分牛膝 木香 骨碎補 乳香 沒藥各一錢 柴胡 元明  
粉 木瓜各八分 肉桂四分 麝香一分 服二劑後加杏仁霜。  
鳳膊受傷肩膀左右也。先用移掇。後用敷藥。

紅麴 花椒 五加皮各二錢 韭菜根 胡麻各一錢 地鱉虫十  
個 梔子八個 酒藥五個 葱一把 老薑一片 共爲末 酒調敷後服藥。  
地鱉虫五個 鹿筋 乳香 沒藥各二錢 紅花 虎骨 龍骨各  
一錢五分 山甲珠 木香各一錢 紅棗引 酒對服 酒藥想卽白麴  
兩手受傷 出血腫痛宜服。

歸尾 赤芍 川芎 生地 桂枝 木香 威靈仙 骨碎補  
細辛 桃仁 紅花 蘇木 廣皮 甘草各一錢 水煎服用  
酒一二盞 以行藥力 另加乳香 沒藥 川山甲 製末入湯內 若骨斷  
加虎骨 自然銅 地鱉虫

左手傷

歸尾 赤芍 川芎 生地 紅花 洋末 秦艽 細辛 質

汗 桂枝 木香各八分 骨碎補三錢 柴胡二錢 水酒各半煎若  
製末加乳香沒藥自然銅虎骨地鼈虫各五錢 水酒調服。

右手傷

歸全 生地 紅花 桂枝 川芎 洋末 薑黃 骨碎補  
川山甲 威靈仙 自然銅 虎骨 地鼈虫各一兩 共爲末水  
酒調二錢服一料自愈。

童骨穴傷在鳳膊下。如骨斷腫痛。先用移撥。後敷藥。

紅麵 自然銅各五錢 乳香 沒藥各二錢 地鼈虫十個 酒藥七  
個 小雞一隻 糯米飯一包 石臼內搗爛敷上。若發熱卽去藥。又服  
接骨丹

當歸 自然銅 虎骨 小茴 白芷 羌活 獨活 白芍

厚樸 地鱉虫 猴骨各一錢 乳香 沒藥 肉桂各六分 血竭

烏藥 甘草各五分 麝香二分 共爲末。每服二錢。酒對服。

童骨左右二穴

川芎 木瓜 獨活 杜仲 肉桂 脚樟 青木香 乳香

蘇皮 桑樹根引。酒煎服。

曲池穴傷兩臂寧也。

五加皮 桂枝 胆草 牛膝 柴胡 細辛 紅花各一錢 生

地 丁香 參三七 共爲末。酒下

脉門穴傷

桔梗 川芎 參三七 木香 五味 細辛 桂枝 胆草

淮勝 陳皮 丁香 桂皮 共爲末。酒下。

精靈穴傷虎口四穴。

柴胡 胆草 五加皮 桂枝 淮膝 羌活 細辛 五味  
川芎 木香 丁香 陳皮 紅花 甘草 地鱉虫 虎骨  
其爲末酒下

胃脘受傷吐血不止。氣往上逼。先用搗拏。後服藥。

桂枝 半夏 陳皮 青皮 血竭 參三七各一錢 山羊血  
木香 赤石脂各八分 赤芍一錢二分 橘紅 靈砂各三分 黑羊  
肝 甘草五分 童便引酒燉服 靈砂疑卽硃砂。

心窩受傷。吐血不食。冷汗不乾。夜間煩躁。服藥再看不可包好。

金沙 銀沙 肉桂 神麴各八分 當歸 紅花 麥冬 枳壳  
橘紅 龍骨 沉香 山稜 莪朮 甘草各五分 生薑引酒

燉服。

中脘穴傷在心窩下。食減氣通。兩截不通服此藥。

茯苓 黃芪各一錢五分 硃砂 乳石 枳壳 厚樸 砂仁  
白芷 破故紙 雲皮 甘草各一錢 魁員五枚引酒燉服。如嘔  
再服下方

黃芪 桔梗各一錢五分 枳壳 附子 黃芩 龍骨 枳實  
甘草各一錢 木香 丁香各五分 酒燉服

肚臍受傷汗下如雨。四肢麻木。腹痛吐瀉。兩氣不接。不可亂。

人參 紅花 烏藥 龍骨 木草 甘草各一錢 生地 乳香  
沒藥各一錢 五分 薄荷二分 煎服傷重者用白蠟 銀硃 蒼朮  
各一錢 麝香二分 小雞一隻 同搗爛敷肚

六宮穴傷卽肚臍

生地 參三七 血竭 雲皮 茯苓 赤芍 歸尾 陳皮  
甘草 葱引。生酒煎服。

腹結穴傷大便不收。小便長流。腹痛。用此。

附子 黃耆 當歸 茯苓 白芍 血竭 陳皮 乳香 沒藥  
元胡 小茴各一錢 升麻 甘草各八分 紅棗引。酒燉服。  
兩乳受傷四肢麻閉。卽照下方。

桂枝 羌活 細辛 猴骨 牛蒡子 乳香 沒藥各一錢 當歸  
紅花 射干各一錢 五分 木香八分 灶心土一錢 引酒燉服。  
未愈再服下方。

川芎 當歸 半夏 杏仁 參三七 雲皮 兔絲子各一錢



紅花一錢五分沉香八分大棗十枚童便引酒燉服。

期門三關左乳傍二穴。

山稜 莪朮 柴胡 參三七各八分鬱金 丹皮 茜草 五  
靈脂 羚羊角各一錢桃仁七粒如眼珠脹痛加夜明砂酒煎服。

通門三關右乳旁二穴

生地 香附 枳實 丹皮 烏藥 蘇木 馬鞭草各一錢芩  
根 歸尾各八分通草 紅花 紫草 桑白皮 母丁香 桔  
梗 黃芩各六分穿山甲三分酒煎不用引馬鞭草一名龍牙草一名鳳頭草春月生苗莖方葉似益母對生夏秋開小紫花作穗如車前子。

期門穴傷

川芎 當歸 生地 白芍 柴胡 青皮 紅花 紫草 桃

仁 乳香 甘草 不加引。酒煎服。

章門穴傷。近背。在脇內期門之下。

歸尾 白芍 血竭 莪朮 各一錢 柴胡 青皮 紅花 紫草

桃仁 化紅 川貝 木通 甘草 各八分 生地 五分 丁香 三

枚 廣香 三分 童便 引。酒煎服。

氣門血瘦。左右兩乳下二指。左邊氣門。右邊血瘦。上下不接。

蒼朮 厚樸 陳皮 甘草 木香 五加皮 各一錢 枳壳 香

附 砂仁 各一錢 五分 神麴 兔絲子 各一錢 二分 燈心 引。酒燉

服。又用銀花燉酒飲。再服。通行打血湯。

牛膝 一錢 五分 桑寄生 一錢 尋骨風 一錢 二分 甘草 八分 酒燉服。

後看血黑血紫。再服下方。

當歸 茯苓各一錢五分 參三七 破故紙 桔梗 烏藥 獨活 赤芍各一錢 硃砂 甘草各八分 紅棗五枚 酒燉服。

氣囊受傷小腹左邊。

山稜 莪朮 羌活 防風 枳壳 厚樸 茯苓 蘇子 蘇梗 乳香 鬱金 桃仁 甘草各八分 參三七 沉香 紅花 各五分 藕節童便引。

血囊受傷小腹右邊

歸尾 橘紅 茯神 廣皮 枳壳 血竭 參三七各一錢 桃仁 紅花 蘇木 山稜 莪朮 乳香 沒藥各八分 沉香 甘草各五分 丁香三分 童便引。酒煎服。

氣關穴傷卽氣門。

桔梗 枳殼 白芷 乳香 沒藥 紅麴 砂仁 血竭 參  
三七 自然銅 酒煎空心服。

血關穴傷卽血瘦。

歸尾 生地 桃仁 紅花 青皮 桔梗 乳香 沒藥 甘  
草 酒煎空心服。

掛膀穴傷氣門血瘦之下。左右二穴。

大黃 紅花 蘇木 澤蘭 桃仁 陳皮 歸尾 地鱉虫  
醋引。服後通身麻閉。或寒或熱四肢無力。照前方加桑寄生。尋骨  
風木通。苡仁甘草。各一錢。木香六分。生薑引。好酒燉服。

鳳翅益苳。腹下兩旁受傷。飲食不進。氣往上逼。力軟心煩。服  
後藥。

羌活 烏藥 半夏 石鍾乳 紅花 血竭 檳榔 木香

破故紙 小茴 丹皮 紅麴各一錢 木通八分 桃仁七粒 胡椒三分 生薑童便引。酒燉服。再服後方。

肉桂八分 杏仁一錢二分 參三七 紅花 青皮 枳壳 陳皮 厚樸 五加皮 牛蒡子 使君子各一錢 紅棗引。酒燉服。

肚角穴傷小腹益弦之外

白芍 破故紙 車前 紅花 兔絲子 乳香 沒藥各一錢 小茴 地膚子 良薑 青皮 西砂 枳壳各八分 紫草 杏仁各六分 肉桂 木香 甘草各五分 童便引。生酒服。

淨瓶穴傷臍左肚角血腕之下。乍寒乍熱。咳嗽吐血。服下方

參三七 血竭 蒼朮 腳樟 紫草絨 甘草各一錢 紅花 生地 苡仁 乳香 沒藥各一錢五分 木香 升麻各八分 桃

仁七個藕節引酒燉服。

命宮穴傷血瘦之下。丹田之右。

沙參 當歸 紅花 兔絲子 枳壳 厚樸 血竭 細辛  
五靈脂各一錢 麥冬 自然銅 七厘散各八分 童便生薑一片  
引酒下。

### 丹田穴傷

車前子五錢 肉桂 桂皮 歸尾 丹皮 參三七 木通 山  
藥各二錢 麝香一錢 丁香六分 共爲末 酒下四分。  
吐角受傷。吐血不止。用水銀梔子。紅花。五加皮。共爲末。帶毛小雞  
一隻同搗爛。敷上。

陰頭生瘡。用鱉甲一片。燒存性。研末。雞子清調塗。全愈。

一人騎馬顛撲。所佩鑰匙傷破陰囊。腎子脫出。筋膜懸繫未斷。苦痛難忍。諸醫束手。以線縫其囊。外用敷藥。生肌定痛。不出三日。線脫爛矣。余思治刀傷。但貼壁錢而效。令其多取壁錢貼敷。數日漸安。其囊如故。

#### 脊背門第四

背有十六節。五臟六腑系焉。人老而腰俯。精華竭矣。善於調攝者。尚宜豎起脊梁。輯脊背門。

脊背打斷用門一扇。合患者睡定。服接骨丹。

地鱉虫 當歸 破故紙 各二錢 杜仲 遠志 各三錢 地龍 一錢 共爲末。調酒服。

脊梁穴傷。頭暈軟弱。疼痛難當。咳嗽吐血。服此。

紅花 骨碎補 乳香 沒藥 猴骨 虎骨 劉寄奴 粟壳

龍骨 地榆 甘草各一錢 梁隔一錢五分 木香五分 砂仁七

粒地驚虫十個 紅棗五枚 童便引 酒煎服 外用敷藥。

狗脊 地榆 山韭根 乳香 沒藥 紅花 同搗爛敷上 再

服後藥

熟地 茯苓各一錢 五分 白芷 龍骨各一錢 二分 秦艽 桔梗

羌活 杜仲 續斷 甘草各一錢 梁隔二錢 鱒魚骨引 好酒

燉服。

背漏穴傷久咳黃腫 四肢無力 下午潮熱 服此。

當歸 狗脊 澤蘭 乳香 沒藥各一錢 五分 桑寄生 骨碎

補 川芎 地榆 枳榔 續斷 紫蘇 秦艽 黑棗引 酒煎。



再服平胃散。

蒼朮 厚樸 黃芪 砂仁 枳子 香附 兔絲子各一錢 陳皮各八分 黃芩六分 共爲末。蜜丸。酒送下三錢。忌葱。

背心穴傷背中間也。

生地 五味 防風 獨活 木香各一錢 乳香 沒藥各一錢 二分 共爲末。葱引。酒下三分。

三年穴傷背左右也。

台烏 川烏 草烏 威靈仙 大茴 參三七 廣皮 地鱉 蛭各一錢 肉桂 甘草各四分 童便引。酒下。台烏。疑卽烏藥。產台州。

腰眼受傷

肉桂 八分 龍骨 鬱金 棗仁 五加皮 紅花 虎骨 香附

甘草各一錢。純麻。地鱉虫各二錢。梁隔一錢五分。木香七分。藕節。旱草節廿四個。酒燉服。外用敷藥。

肉桂。白芥子。乳香。沒藥。共爲末。雞子清調敷。

腰上損方

杜仲二錢。牛膝一錢五分。破故紙。骨碎補。生地。質汗。青木香。烏藥。乳香。沒藥。當歸。威靈仙各一錢二分。小茴蛇牀子各八分。羌活。獨活各六分。肉桂五分。地鱉虫五個。腰虛自痛。除地鱉虫。獨活。加熟地一錢。

草烏散 治跌損腰痛。

川烏。草烏。生用。骨碎補。陳皮。乳香。沒藥。各等分。杉木節。七個。酒炙。共爲末。調服一二錢。手上加穿山甲細辛。桂枝。威靈仙。

左手加柴胡。木香。用酒服。

腰痛肚脹方

羌活 青皮 烏藥 五靈脂 大茴 杜仲 栝榔 紅花  
桃仁 庄黃 甘草 大便不通加大黃。撲硝。荔支核。小便不通。  
加車前。木通。川棟子。鐵馬鞭。

騎當穴傷

當歸 白芍 乳香 沒藥 元胡 黃芪 升麻 熟附 小  
茴 茯苓 茯神 血竭 沉香 甘草 紅棗三枚引。

攔馬穴傷

歸尾 丹皮各五錢 五加皮 苡仁 川牛膝 淮膝各七錢 參  
三七 稜麻各二錢 肉桂一錢 共爲末。酒下。

鳳尾穴傷腰眼痛極大便不通。必定打斷鳳翅。積血有餘服

後方

桑寄生 合夕風 半夏 破故紙 五加皮 紅花 穿山甲

乳香 沒藥 甘草各一錢 乾葛 木通各八分 肉桂 地鱉

虫六個 虎骨一錢二分 升麻四分 五龍草一把 藕節引酒燉服。外

用敷藥方。

乳香 沒藥 紅麴 地鱉虫 麻根 五龍草 加葱薑共搗

爛用糯飯敷上。

腎俞穴傷脊背第十五椎命門之下。

生地一錢 破故紙 天仙子 烏藥各一錢二分 黃柏 牡蠣

元胡索 小茴 澤蘭 紅花 紫草 蘇木 乳香 木香

杜仲各八分不加引水煎服。

氣海穴傷在關元上。

赤芍 歸尾 紅花 破故紙 牛膝 紅硝 紅麴 紫草  
劉寄奴 肉桂 甘草 杉木皮引酒煎服。

關元穴傷小腸穴。

歸尾 赤芍 參三七 澤瀉 廣木香 梔仁 自然銅 肉  
桂 車前 桃仁 山稜 蓬朮 甘草 燈心引酒煎服。

命關穴傷

麝香 肉桂 參三七 牡蠣 青皮 木香 白朮各三錢細  
辛二錢 甘草五分

膀胱穴傷肚膨不消小便不通服此。

車前一錢五分 豬苓 澤瀉 檳榔 小茴 桔梗 陳皮 青

皮 杜仲 桑寄生 半夏 良薑 甘草各一錢 庄黃八分 燈心 生薑引。水燉服。

天樞穴傷大腸穴

庄黃 桃仁 生地 劉寄奴 羌活 稜麻 防風 巴戟

乳香 沒藥 甘草 生薑引。酒煎服。又方

桃仁 千金子 大黃 蜣螂 共爲末。酒煎服。

糞門穴傷

歸尾 庄黃 五味 獨活 參三七 肉桂 五靈脂 生地

甘草 共爲末。酒下

封門穴傷此下竅也。傷重昏倒。要拏活。服七葉一枝花。後用藥。

破故紙 桔梗 丹皮 紅花 木通 木瓜 參三七 大茴

獨活 乳香 沒藥 甘草各一錢 肉桂八分 茯苓一錢五分  
灶心土引。酒燉服。再用後藥。

活石 硃砂 人中白各八分 龍骨 烏藥 棗皮 茯神 蓮  
鬚 秦艽 茯苓 甘草各一錢 續斷 紫荆皮各一錢二分 厚  
樸六分 建蓮七枚引。水燉服。

頸項打斷。用高椅坐定。雙手揉上。先服全身丹。後服紅藥蒸雞肝  
童便酒調。吞服。

頸項骨跌斷。用雙手端定耳門。擡住上掇。先服人參湯。後服紅藥。  
腰骨腰痛。棍打傷者。不治。拳傷可治。

糞骨打傷。用全身丹。藕節煎湯送下。如不止。再用紅藥一分。雞湯  
送下。即愈。

腿足門第五

安步以當車。樂哉。子皮有足疾。限於天也。下堂而傷。咎在人事矣。跛而登者。豈獨貽婦人之笑。輯腿足門。

漙漙穴傷膝彎也

生地 蘇梗 桂枝 小茴 細辛 西香 茜草 草烏 甘草 其爲末。葱引酒下。

膝蓋受傷先移撥後用藥。

五加皮 五爪龍 梔子仁三十五個共爲末。酒調敷。後服藥。

獨腳蓮卽鬼日過江龍 五加皮 地鱉虫 牛膝 木通 紅

花 蒼朮 砂仁 稜麻 升麻 甘草 茄根引酒燉服。

膝眼受傷



地鱉虫 梔子 紅麴 乳香 沒藥各一錢 胡椒六分 蔥薑共搗爛。敷上杉皮夾定。後服藥。

當歸 生地 沒藥 虎骨 脚樟 南蛇 五加皮 牛膝 獨活 木瓜 一方無獨活

甲筋受傷

當歸一錢五分 生地 脚樟 牛膝 木瓜 檀香 骨碎補 劉寄奴 南蛇 紅花 木通 降香 乳香 合夕風 甘草 各一錢 茄根引酒燉服

內廉二穴

牛膝 木瓜 苡仁 五加皮 廣皮 羌活 青皮 丹皮 桂枝 紅花 白芍各五錢 馬鞭草引酒下。

大衝鞋帶二穴

柝榔 赤芍 脚樟 牛膝 乳香 澤蘭 稜麻 桂枝 鉄砂 甘草 酒煎空心服。

螺絲骨傷

苡仁 南星 枳壳 牛膝 木瓜 五加皮 骨碎補 半夏 香附 陳皮 青皮 元胡索 歸尾 赤芍 桃仁 羊花 卽羊躑躅 棕樹招 甘草各一錢 烏藥五分 肉桂三分 酒燉服。

脚跟受傷腫者不宜動針。只用敷藥。

紅花 川烏 乳香 沒藥 葱薑。肥皂。同搗爛敷。又服後方。  
升麻 元胡索 當歸 蘇木 紅花 脚樟 威靈仙 沒藥  
五加皮 烏藥 血竭 牛蒡子 牛膝 木通 藕節引。酒燉

服。又方

血竭 虎骨 參三七 牛膝 黃栢 麝香 羌活 木香

丁香 地驚虫 歸尾 純麻 活血丹 碎骨丹 另用水煎同

藥對服。其爲末。對酒服。如人虛加鹿筋。寒氣在身加肉桂。另故酒  
內腫加大黃芒硝。氣不和加寄生。廣皮骨斷加猴骨。血紫加桃仁。  
紅花痛加乳香沒藥。杜仲。故紙。若不煩躁。須減黃栢。

冲陽穴傷脚背也

白芨根 川芎 木瓜 檳榔 乳香 甘草 歸尾 澤蘭

白木香 鐵砂 不加引。

側足穴傷

淮膝 歸尾 庄黃 木通 五味子 參三七 細辛 車前

子 白芷 紅花 甘草 馬鞭草引酒下。

湧泉穴傷脚底心。

牛膝 木瓜 苡仁 五加皮 丹皮 青皮 庄黃 歸尾

礪砂 車前子 細辛 獨活 羌活 共爲末酒下八分。

大腿打落。兩人扶定。將手扣定。抱膝一揉。然後掇上。先服全身丹。後用藥。

金創門第六 杖傷附

函人唯恐傷人。乃仁術也。軍中固多備用。北俗人皆佩刀。睚眦之怨。抽刃而起。其賴有此。與輯金創門。

金創降真散

真降香 用節松香 文蛤 各等分爲末。摻傷處。夾縛定。神效。

### 金創灰蛋散

石灰細研雞蛋清和灰成餅。煨過候冷。研細。遇傷搽之。

神效佛手散 治金鎗重傷。筋骨斷折將死者。

鹿茸 當歸 茯苓 禹餘糧 兔絲餅 桑螵蛸 紫石英

熟地 白芍 川芎 乾薑 覆盆子 酸棗仁 五味子 琥

珀 茯苓各等分共爲末。薑三片棗一枚。

### 軍中第一仙方

生狗頭一個將肉刮盡。露文火煨存性。爲末。指甲灰 血餘灰各

一錢陳松香五錢共爲末。搽傷處。斷骨卽續。刀傷卽愈。以四味等

分用酒調服亦可。

金創迎刃散 治傷重。出血不止。

白芷 甘草 水龍骨各二兩共爲末。文武火炒赤色爲度。用嫩  
苧葉韭菜取自然汁。調前末陰乾。人參三七 血竭 南星 牛  
胆各一兩片腦三錢野苧五錢傷處擦上卽愈。

住痛生肌止血方

韭菜根二兩末毛鼠二個嫩石灰二兩同放石臼內。搗爛作餅。陰  
乾爲度。用時以刀刮末敷傷處。布裹卽愈。

治刀斧傷止血定痛生肌

真降香 挫碎炒存性五倍子 微炒血餘灰各等分爲末。摻之。將乾  
箬葉護住。用軟棉紮定。兩日一換愈。

又方

赤石脂 象皮 棕衣 血餘 舊氈帽 松香各五錢兒茶

龍骨 乳香 沒藥 白礬 丁香各三錢 硃砂 琥珀 參三  
七 七厘 甘石 黃丹 半夏 冰片各一錢 地鱉虫 八錢 共  
研極細末。

刀口見血方

生半夏 南星 白芷 研末用。

生肌散 治刀斧傷成瘡。膿水難乾。肌肉不生。此方神效。

五倍子 爐甘石 兒茶 龍膽皮各等分爲末。磁器貯用。

洗方

防風 荆芥 甘草 共煎湯。無風處洗。

英雄丸

乳香 沒藥 自然銅 地龍 地鱉虫 蜜陀僧 花椒各八

分研末。蜜丸。酒服。臨打時。不覺疼。血不浸心。甚妙。

棍傷牌骨

茯神 花粉各一錢二分 靈砂 龍骨 丹皮 紅花 自然銅

川烏 腳樟 獨活 牛蒡子 乳香 沒藥 甘草各一錢

木香六分 桃仁七粒 酒煎服。再用敷藥。

花椒一錢 梔仁十個 地鱉虫五個 酒藥七個 麝香一分 葱地蚯蚓  
五分 共搗爛。麻油調敷。再服後藥。

當歸 生地 乳香 沒藥 石耳 柏葉各一錢五分 血

人中白 參三七 硃砂 木香 雲皮 紫草絨 自然銅各  
一錢 猴骨五分 七厘散 共爲末。肉湯化服之。卽愈。

金創傷攪法



松香。白礬。爲末攪。半夏六錢。白礬四錢。爲末攪。細石灰。韭汁。作餅。貼壁上陰乾。爲末攪。石灰。同生大黃片。炒桃紅色。去大黃。名桃花散。攪之俱效。

### 通用門第七

療折傷方。藥習拳技家多有之。武夫當場。往往製以待用。而秘不示人。何其私也。濟世溥心。老而未艾。輯通用門。

### 八寶丹

珍珠。豆腐。煮滑石。各一錢。爐甘石。二錢。薄荷水。煮。火煨。硼砂。八分。乳香。蒙薺粉。各一錢。疑是葶薺粉。

### 七厘散

歸尾。紅花。桃仁。大黃。酒浸自然銅。醋煨七次。各一錢。地鱉。

垂去頭足炙焦五錢黃麻根蒸存性乳香 沒藥 兒茶 硃砂  
雄黃 骨碎補 古銅錢醋煨七次各三錢麝香五分共爲末。每  
服大人一錢二分。小兒七厘。陳酒送下。汗出爲度。

觀音針方

麝香一錢冰片五分硫黃二錢先將硫黃煨化。再將冰麝入內。取  
起存冷爲度。但有久損。並核子用此針卽愈。

蓮葉散 治瘀血腹脹。

用蓮葉不拘多少。炒存性。研末。童便調一二服。大便下瘀血愈。若  
身弱氣虛。用八珍湯加骨碎補續斷服。

仙傳火龍行氣散

生薑 食鹽 麻油各四兩 大黃 牙硝各二兩 頭油渣 疑是豆

油渣荆芥 澤蘭 瑞香草葉各三兩共搗爛。以麻油炒熱頻頻熨上自愈。

萬金不換乳香尋痛散 治遠年諸般傷損。遍身疼痛。神效。  
乳香 沒藥 血竭 甘草 羌活 獨活 茴香 木香 沉香 草烏 當歸 川芎 白芷各一兩 花粉 木瓜 肉桂各七錢 共爲末。每服二錢。熱酒送下。

刀斧損傷破傷風方

白芷 獨活 荆芥 防風 當歸 乳香 沒藥 蒼耳子  
甘草 桃仁一個爲引。水煎。酒對服。

打死無氣方

白芍 桑皮 葶藶子 桔梗各一錢 澤瀉 橙葉各二錢 枳壳

八分連翹 菖蒲 辰砂各五分牙皂四分麝香三分細辛二分  
用酒炒過三次胎髮一撮燒存性和藥研末開水調服以手捫其  
口藥下一時可愈。

萬應膏

羌活 獨活 荆芥 防風 黃柏 白芷 赤芍 梔子 川  
芎 當歸 細辛 連翹 木鱉 甘草 蘇木 紅花 元參  
升麻 松節 地榆 白芨 白芩 半夏 木爪 薄荷  
生地 白菊 降香 知母 貝母 殭蚕 骨皮 苦參 麻  
黃 蟬退 牙皂 枳殼 白朮 雲皮 黃芪 豬苓 澤瀉  
牛膝 木通 良薑 秦艽 淮藥 艾葉 故紙 炮薑  
牽牛 靈仙 杏仁 木賊 車前 劉寄奴 續斷 烏藥

陳皮 槐花 香附 砂仁 牛蒡 遠志 山稜 木香 天  
冬 麥冬 山奈 芫花 大戟 骨碎補 山豆根 菖蒲  
桂枝 蒼朮 萹藤 花粉 海同皮 青皮 阿膠 桔梗  
黃芩 大黃 薑黃 全蝎 白礬各一两血餘 蘇葉 黃丹  
水粉各二兩

生肌散

乳香 沒藥 血竭 雄黃 蒲黃 梧子 赤石脂 白芷  
樸硝 寒水石 陀僧 龍骨 輕粉 鍾齒石 山甲 螞蟥  
粉 硼砂 蟾酥各五錢 硃砂 烏藥各三錢共爲末。每膏一張。  
各下數分貼傷處。若廉瘡痢症。再入麝香二三分。貼背心卽安。  
凡損傷不問老幼。及有無瘀血。俱用熱童便。以酒和服。

印送姓名

訓導管頌聳印送壹百部

天台趙廷海印送壹百部

同知管作謀印送壹百部

職員管作楫印送壹百部

州同楊鳳臺印送陸拾部

教諭金煦春印送伍拾部

貢生張錦雲印送伍拾部

職員張慶雲印送伍拾部

知州金瑞星印送伍拾部

庠生管作鼎印送貳佰部

葉乾美印送貳拾部

張道忠印送貳拾部

鄭德俊印送壹拾部

張渭印送壹拾部

衛千總柯守鶴印送壹百部

朱德園印送壹拾部

顏華春印送壹百部

楚北曾詠春堂印送貳百部



## 後記

《跌損妙方》明·異遠真人著。亡所考。

《跌損妙方》爲傷科專書，全書一卷。依據部位及受傷之不同，分爲全身、頭面、身中、脊背、腿足、金創、通行共七門。每門詳辨跌損部位，別原因新久。提出診斷要點，更照穴位，分別列方。治療善用調敷之末藥，以內服外治爲主，兼及復位、牽引、縫合等方法。是書認爲跌打損傷，變化多端，治宜及早。否則瘀血已固，水道不通，難爲醫治。審因要嚴，辨氣滯血凝，氣虛血瘀、氣虧血少、血虛氣滯等，隨症輕重用藥。其內容不尙理論，專重實際效驗。全書載方一百四十五首，用藥平穩，立法精詳。

《跌損妙方》初刊于明嘉靖二年（一五二三）。原本已佚。清

道光十六年（一八三六）孫應科，字彥之，檢舊稿略爲編訂，並且以滑氏歌明堂圖考穴名，以李氏本草綱目正藥名，重加校訂梓印。一九五八年有上海衛生出版社、上海科學技術出版社鉛印本。現據上述版本爲校本，以黃岩管煩聲賡堂校本爲底本，校勘影印。

陳加玉



# 校勘表

頁數	行數	誤	正						
一	七	(子)細	仔細						
二六	九右	(嚙)出	露出						
	一一	(魁員)肉	桂圓肉						
六〇	二	(牌)骨	髀骨						